

SAN NICOLAS A LUCI CU SU PARADA



ORANJESTAD (AAN): Masha pabien San Nicolas cu e bunita y fantastico Parada di Carnaval di Mucha. Den edicion di DIARIO di awe tin cantidad di foto di tur esaki!

GOSY ANN ODUBER A SALI REINA INFANTIL



ORANJESTAD (AAN): Diabierna anochi Aruba a conoce su Reina Infantil di Carnaval 43, cual ta den persona di Gosy Ann Oduber. Riba e foto aki por mira e reina, hunto cu su finalistanan. Pa un cobertura amplio cu bo ta haya den DIARIO so, check paginan 14 en adelante.

CLAUDIUS A BARI



ORANJESTAD (AAN): Claudius Philips cu su grupo OREO a bari cu e premionan principal di Calypso y Roadmarch Contest. El a gana cu su calypso "Who's The Enemy?", y e roadmarch "Pocket Bashi". Masha pabien.

ESNAN CHIKITO GOZANDO



ORANJESTAD (AAN): Esaki ta Josey Kock y Linoj Croes, kendenan a sali como ganadornan di Festival di

Calypso Juvenil y Infantil. Riba nan cara bo por nota cu nan ta lo mas feliz di mundo. Masha pabien na tur!

ELECCION REINA INFANTIL DI CARNAVAL



ORANJESTAD (AAN): Diabierna anochi a tuma lugar den Stadion di RCA na Solito e tan spera Eleccion di Reina Infantil di Carnaval 43. Gossy Ann Oduber di Kids In Action a resulta e ganadora cu su beyeza sin igual y bon actuacion. E certamen aki a termina te despues di 11'or di anochi, y consecuencia di esey ta cu hopi mucha tabata visiblemente cansa di e actividad largo aki.

E anochi aki, un biaha mas pueblo por a mira con fabuloso bo por traha un show. Cada candidata a trece uno na nan estilo dilanti, y sigur cada uno merece un apoyo pa un bon trabao!



ELECCION REINA INFANTIL DI CARNAVAL



ELECCION REINA INFANTIL DI CARNAVAL

GOSY ANN ODUBER REINA INFANTIL

ORANJESTAD (AAN): Gosy Ann Oduber di Kids In Action a resulta Reina Infantil di Aruba su Carnaval.

Prome finalista a resulta Brigitte Croes di Noord. Segunda finalista ta Nicholle Vrolijk di Cos di Mucha.

Tercera finalista ta Rose-Mary Everon, representante di Piedra Plat. Cuarta finalista ta Madonna Hassel di Oranjestad.

Riba e combinacion di fotonan por mira e candidatanan cu a ser premia, y tambe e rostro bunita di e Reina Infantil.

